

11

vnder Ihrer Potemässigkeit gelegen/nit zuständig seyn/aufdrücklich vor/  
behalten worden/darumb auch die Augspurgische Confessionsverwans-  
ten sich in dem Religions Frieden expressè verwaren lassen/daz Sie für  
diejenigen mittelbahren Geistlichen Güter/so Sie schon eingezogen/nit  
mehr red noch Antwort geben dürfsten. Und irret nicht/daz im Religi- Obiectus  
on Fried in §. vnd damit ic. gesetzet/daz die Augspurgische Confessi-  
onsverwandte Stände bey ihrem Glauben/Ceremonien vnd Kirchen-  
Ordnung/so Sie in Ihren Fürstenthumben/Landen vnd Herrschaff-  
ten auffgericht/oder noch aufrichten möchten/vngehindert seyn vnd  
bleiben sollen/darauf etliche zu schliessen vermeynen/daz Sie die darin  
gelegene Closter auch zu reformiren Macht haben.

Dann ob wol dergleichen Closter in den Weltlichen zugelassenen  
Schuldigkeiten/Ihren gebürenden respect dahin tragen/so haben Sie  
doch/in den fundationen vnd Geistlichen Dingcn/mith den Landen vnd  
Herrschafften nichts zuthuen/sondern wie vorgedacht/gehören sie Gott  
vnd der Kirchen zu/daher sie dann von den Weltlichen Gebieth vnd Res-  
giment disfals exempt vnd frey seyn. Es folgt auch nicht/weil der  
Religion Friedt allein zwischen Reichs Ständen auffgerichtet/daz des-  
wegen dergleichen Ordenleuten keine process zuerkennen/Dann ob wol  
der Religion Frieden/allein mit den Ständen des heiligen Römischen  
Reichs auffgerichtet/so können doch so gar die Bunderthanen/in den bes-  
timmten fählen sich desselben gebranchen/vnd ist offenbahr/daz die in  
andern Fürstenthumben vnd Landen gelegene Stift vnd Closter/mit  
den Geistlichen Reichs Ständen/in dem Religionfrieden begriffen/des-  
selben vnd gemeiner rechten fähig/ auch derohalben eben so wol bey den  
Ihrigen handzuhaben/hingegen aber wie obgedacht/an keinem Ort zu  
finden/daz die Augspurgische Confessionsverwandte/Ihnen den Geist-  
lichen/etwas weiter an Ihren Gütern enziehen sollen oder mögen,

Rofoln tu

Nichtweniger ist nunmehr Reichskündig/daz etliche Prote-  
stirende Stände/ gegen den aufdrücklichen Buchstaben des Religion-  
Frieden/in §. vnd nach dem ic. in welchem mit hellen Worten ver-  
sehen/Wo ein Erzbischoff/Bischoff/Praelat/oder ein ander Geistli-  
ches Stands/von unsrer Alten Religion abtritten würde/daz derselbige

Wij sein